

陶雲汀先生奏疏

奏疏卷三十九目錄

江督稿

安化陶

參撤知府縣營不勝繁要摺子

查覆窮苦艍船帶私設法查禁摺子

代奏耆紳重遇鷹揚與宴加銜謝

恩摺子

覆奏體察勸諭紳商減糶捐輸情形摺子

訪獲習教匪徒提辦及委員查拏摺子

請緩挑孟瀆河工程摺片

密明糾衆拒捕殺傷兵役各犯定擬摺子

請獎勳績獲要犯之委員摺片

請陞宿州知州摺子

武場事竣校閱省城營伍後起程赴浦摺片

湖南擒匪滋事俟漕船過竣親赴江西相機堵

勒摺片

馬棚灣工竣正河復歸故道情形摺子

叅撤知府縣營不勝繁要摺子

蘇州會稿

奏爲撤任知府縣營不勝繁要之任請

旨分別改簡勒休仰祈

聖鑒事竊照常州府知府恒泰武進縣知縣程士偉

常州營遊擊珠爾恭阿前因查拏奉

旨飭緝要犯莊午可不力致釀拒捕重案經

臣等請

將該府等撤任畱於地方勒限緝拏限滿不獲

卽行革職等因奏奉

諭旨撤任摘去頂帶勒限一月責令協同嚴緝去後

該員等于未奉

諭旨之先卽經協同印委各官將莊午可及要夥駱駝和尚暨拒捕重犯全行拏獲計先後共獲四十餘名復經臣等附片

奏明在案是該員等雖曾疎懈於前尙知愧奮於後自應免其叅革惟常州府地方事本殷繁且既有莊午可拒捕重案士習民風尤應及時整頓府縣營缺均關緊要該員等才難治劇未便仍畱本任致有貽誤查恒泰由理藩院筆帖式游升員外卽

簡放蘇州府遺缺知府

奏補今職該員才具未能開展而居官尙稱謹慎
若改補中簡之缺可期稱職相應請

旨將恒泰歸部以中簡知府選用程士偉由大挑舉
人分發江蘇補授金山縣知縣調任武進辦事
雖形拘謹而治民無擾前在金山縣任內聲名
亦好應請將該員畱於江蘇遇有相當中簡缺
出酌量補用常州營遊擊珠爾恭阿由三等侍
衛

簡發貴州補授部司推陞江陰營遊擊調補常州營
遊擊該員不諳營務於操防緝捕事宜均不得

力此次帶兵繼匪本係該遊擊專責畏葸無能
難期振作應請勒令休致恒泰程士偉仍均照
例給咨送部引

見恭候

欽定臣等往返札商意見相同除飭令現署常州府
知府王瑞徵武進縣知縣姚瑩常州營遊擊曹
天佑查明各該員在任經手倉庫錢糧軍火器
械有無虧短照例辦理外謹合詞恭摺具
奏伏乞

皇上聖鑒訓示再常州府知府員缺緊要應請

旨卽賜簡放以重職守武進縣係衝繁疲難兼四要
缺例應在外揀調容臣等另行遴員請補常州
營遊擊員缺由臣陶澍另行查明請補合并陳
明謹

奏

道光十二年二月十四日會同具

奏三月十六日奉到

硃批另有旨欽此二月三十日內閣奉

上諭陶澍等奏撤任知府縣營不勝繁要之任請分
別改簡勒休一摺前因要犯莊午可拒捕脫逃降

旨將該府縣營摘去頂帶撤任勒限緝拏該員等
於未經奉旨之先卽協同印委各員將莊午可等
犯全行拿獲尙知愧奮自應免其叅革惟常州地
方事本殷繁士習民風亟應及時整頓該員等才
難治劇未便仍畱本任致有貽悞常州府知府恒
泰武進縣知縣程士偉俱著送部引見再降諭旨
常州營遊擊珠爾恭阿不諳營務畏葸無能著卽
勒令休致該部知道欽此

查覆窮苦艚船帶私設法查禁摺子

奏爲遵

旨查明窮苦艚船因災帶私實無設立馬頭及屯戶
過載等名目併前後設法查禁各緣由仰祈

聖鑒事

臣等承准軍機大臣字寄欽奉

上諭據御史卞士雲奏江蘇淮安揚州所屬下游州
縣向有小舟名曰艚船常以捕魚爲業本年因水
勢稍大借饑民名色或數十船一起或數百船一
起私梟乘勢勾結令其載運私鹽由戚家汊孔家
涵等處徑出運河併沿江一帶地方售賣公然設

立章程有屯戶過載架護名目派人各司其事船大者裝至千觔小者數百觔其聚集之處聞挈則婦人撒潑不挈則強壯滋事秋間曾有壽州等處回民許姓曹姓多人在三岔河地方因與艚船爭賣私鹽有燃放排槍之事匪徒結黨互爭難保不別生他故該處上司非不委員查緝每日報獲私鹽無如艚船來去如故誠恐兵役人等先於搜查時豫爲說明每船抽畱若干以爲塘塞報獲之計該地方官粉飾消弭竟不嚴行禁絕併聞該梟匪等於江南之觀音門安徽之樅陽鎮立有馬頭銷

售艚船所載私鹽等語近來江船夾帶與大幫私
販俱漸斂跡乃梟徒另設此法逞其販私之計往
來擾累徒黨橫行殊屬目無法紀著陶澍程祖洛
鄧廷楨嚴行查辦先挈勾結之人使艚船無所倚
賴再押令各船自歸本籍違者重辦其三汊河爭
賣私鹽一案併觀音門樅陽鎮私設馬頭亦著嚴
行懲辦以靖私梟至其中實係貧苦之艚船應否
編入冊籍歸於賑務辦理亦著體察情形斟酌妥
辦將此各諭令知之欽此伏查上年被水成災淮
揚各屬窮民紛紛四出乘坐艚船乞食逃荒內

中卽有趁便捎帶鹽勛偷賣糊口者梟匪乘機誘雇內載私鹽外坐老幼婦女裝點災民偷越撒發皆所不免謹如

聖諭江船夾帶大幫私販俱漸斂跡乃梟徒另設此計販私必應從嚴辦理惟實在災民所帶無幾與梟販匪徒究有分別必須分散其勢使不相潤合臣陶澍當經派委叅將繼倫帶兵駐劄揚州挨船搜查如係實在災民卽給與鹽價收買放行以示體卹倘係梟販無難立刻擒拏臣程祖洛併卽檄行鎮江府縣遇有此等船隻但放

災民人口官爲僱船費送不准舢舨進口均經
先後附片

奏明在案仍一面嚴飭地方文武及委員等實力
巡拏計自去秋至本年正月望間前後報獲私
鹽五十餘起共獲犯四百三十餘名私鹽六十
九萬餘觔人船俱獲併訪獲包攬贖私之袁鶴
林崇文廣郭鵬倪鶴高劉志高及包攬仗頭韓
廷貴姜照典徐福年沈小寶陳渭南等私鹽失
所倚賴咸知儆惕統計各案所獲人鹽如三江
營守備陳秉元等稟獲劉成龍黃金山王喜林

張德鳳等各起計犯六十名共鹽四萬二千餘
觔船二十四隻署揚州營叅將陳述祖守備崔
衍等稟獲卞有玉王五夏厚徵樊兆山張世勲
等各起計犯二十二名鹽九萬九千餘觔船十
三隻署泰州營遊擊劉振常等稟獲朱有發等
一起計犯二十一名鹽十一萬三千餘觔船四
十一隻泰州營遊擊金萬全等稟獲許開勲等
一起計犯八名鹽四萬餘觔船十一隻副將田
松林等稟獲耿金芮高順王知遠高繼保沈遇
邦魏有德徐有才王大春孫景榮鮑林喜吳志

元丁兆松等各起計犯七十餘名鹽四萬餘觔
船三十二隻候補運判韓在洛史揚善等稟獲
孔來鸞等一起計犯四十三名鹽十五萬八千
餘觔船一百三隻此外人鹽併獲者尙多因係
地方文武應辦之事不敢瑣屑上瀆

聖聰其分外出力者均經記名拔補酌賞銀兩頂戴
其拿獲大夥巨梟例應

奏獎者仍俟定案時辦理察看各員弁咸知激奮
趨公勉圖上進緝捕並未鬆勁且每起獲犯較
多船鹽並獲似不致有粉飾消彌每船抽留若

干以爲塘塞報獲之事查上年七月臣陶澍自清江回省路過揚州聞有回僞梟匪在三汊河搶奪船私鹽經揚州瓜洲汛弁鎗擊逃竄臣比卽劄調附近各營縣四面兜擒其時江路迷漫汪洋一片各兵役追至高資境內拏獲曹華等十一犯餘貴卽許貴等十六犯又獲另案梟匪共一百四十餘人發交運司俞德淵督同揚州府王青蓮運判童濂等晝夜研訊究出窩黨及鎗刀器械等件將各犯按律問擬軍流徒杖分別咨部完結併於鹽務暢銷情形摺片內縷

陳附及欽奉

硃批裕國而安民通商而除害汝爲幹國良臣而朕亦獲知人善任之美名實有厚望焉一力勉行勿怠等因欽此查此案早經嚴行懲辦私梟斂迹似不致轉生他故至觀音門近在省城豈容梟匪設立馬頭誠恐在城文武得規包庇茲復逐細確查加以密訪實屬毫無影響亦竝無公然設有屯戶過載等名目惟是兩淮離務正當整頓之時前此洪流泛濫港汊紛歧舟船處處可通不止孔家涌戚家汊爲然上江食岸已多受

船私之累現在雖無勾結販私仍當督屬嚴查
有犯卽懲不任踈懈至各艚船皆係下河窮民
應否歸於賑務辦理臣等於接奉

諭旨後卽飭藩司督同各府從長籌議茲據詳稱
船一項前於查賑途次察看裡河各州縣所在
多有其有停泊一定處所者現在聞賑歸來多
已入冊給賑其往來無定者例不給賑卽使押
令回籍按口給賑而原籍無業可依亦必又顧
之他卽難免不重複冒領冊籍難稽且亦難保
不於領賑後仍復出外販私似可照舊毋庸查

辦至此項艚船一名倒撐船時而捕魚時而覓食行踪無定來往自如祇因漫無稽察是以易被匪誘勾結載私應請仿照沿江漁船之例將船戶姓名籍貫年貌及男婦大小口數查明填給印牌懸掛艚口以便稽察等情臣等查覈應如所議辦理已一面出示曉諭各船毋許販載私鹽其貧苦有籍可歸者仍許其造入賑冊補給其行踪無定四出覓食者遇有捐施粥米之處亦許其隨同災民領食以廣

皇仁而資綏輯除樅陽鎮有無販私馬頭另由安徽

撫臣邳廷楨查明辦理外所有江蘇省艚船查明並無私設馬頭等名目及設法查禁販私各情形臣等謹合詞恭摺覆

奏伏乞

皇上聖鑒謹

奏

道光十二年二月二十一日具

奏三月十四日奉到

硃批另有旨欽此同日奉到三月初四日內閣奉

上諭前據御史卞士雲奏江蘇淮揚所屬下游州縣

向有私梟勾結艍船載運私鹽設立馬頭銷售併有屯戶過載架護名目當交陶澍等嚴行查辦茲據奏淮揚各屬上年被水成災窮民乘坐艍船四出乞食間有稍帶鹽觔偷賣餬口梟匪乘機誘雇內載私鹽外坐婦女裝點災民計圖偷越經該督等飭屬巡拏前後獲犯四百三十餘名私鹽六十九萬餘觔併訪獲包攬艍船各犯嚴加懲辦私鹽失所倚賴咸知儆惕至觀音門近在省城並無梟匪設立馬頭暨屯戶過載等名目等語此項艍船窮民乘坐捕魚覓食行踪無定梟匪勾結載私實

於離務大有關係嗣後著仿照沿江漁船之例將
船戶姓名籍貫年貌及男婦大小口數查明填給
印牌懸掛船口以便稽覈該督等仍當督飭各屬
認真查察有犯卽懲以杜梟私而肅離政欽此

代奏耆紳重遇鷹揚與宴加銜謝

恩摺子

奏爲據情代奏恭謝

天恩仰祈

聖鑒事竊照江南通州耆紳李景曾於本年三月補
行辛卯

萬壽恩科武闈鄉試重遇鷹揚經臣附片

奏懇與宴欽奉

上諭原任浙江溫州鎮總兵李景曾年逾八旬再逢
鄉舉洵屬武科盛事著加恩賞加頭品銜准其重

赴鷹揚筵宴以獎耆年而昭茂典等因欽此當卽
恭錄轉行去後茲據李景曾呈稱跪讀

恩旨欽遵赴省望

闕叩頭謝

恩伏念景曾材同樗櫟世習韜鈴効戎行者卅載官
海徼者八年祇以久涉風濤致受濕疾乞歸井
里伏處蓬茅迺今

詩榜宏開

恩綸特錫

寵之禮宴欣

雨露之重沾

晉以崇階幸

光華之遠被除俟揭曉時恭襄

盛典隨衆行禮外所有感激下忱懇請代奏等情理

合據情恭摺具

奏伏乞

皇上聖鑒謹

奏

道光十二年三月十二日具

奏四月初八日奉到

殊批隨欽此

覆奏體察勸諭紳商減糶捐輸情形摺子

奏爲遵

旨體察情形恭摺覆

奏仰祈

聖鑒事承准軍機大臣字寄欽奉

上諭據給事中劉光三奏勸諭各紳民自覈所積穀石盡數出糶其有願減糶者事竣後通計所減錢數之多寡量加獎勵再一切雜糧皆可度荒地方官當設法籌款交付殷實紳民招商承領令其分往各處收買循環糶米價亦可少平等語該給

事中所奏係爲籌備民食起見惟勸糴與勸賑不同倘辦理不善或竟有抑勒平糴及書吏藉端索詐情弊其籌款交殷實紳民招商承領一節若不得其人亦恐啟奸販囤積及不肖官吏虧帑累民諸弊著陶澍程祖洛體察本省情形可行則行不可卽止毋稍存遷就之見致令別滋事端等因欽此當卽恭錄行司欽遵辦理伏查上年江淮揚通等屬被水乏食貧民前經

奏懇

聖恩撫賑兼施竝酌動藩庫銀兩委員前赴豫省採

買米麥來江分撥糶濟今春青黃不接荷蒙

賞給展賑一月口糧民情安貼自可毋虞失所惟現值東作方興相距麥收尙遠糴價未能平減不得不預爲籌計請將賑餘銀兩委員分赴楚北東豫等省分投採買米麥輓輸運濟業經附片奏

聞在案今該給事中所奏勸糶一節原屬酌盈劑虛補救災區之良法惟是江省被災各屬有力紳商上年俱已勸諭量力捐資買米平糶及分別錢米散放義賑值此水災之後田地同時失收

卽平日稍有積蓄者亦不免竭力支持僅能自
顧身家而富厚者業已籌濟本村貧戶勢難再
令廣爲減糶卽間有樂善不倦之人誼敦桑梓
情願稍減時值似應各聽其便難以強其必從
若重複勸諭不但無益於事更恐刁詐之徒輒
復藉口強糶易致抑勒索詐等弊至籌款招商
循環糶糶一節查招商運濟勸諭賑糶江省先
已籌辦並

奏明免稅領照販運使商人免過關之費又免守
候之煩各商因往返迅速獲利較多陸續領照

販運頗稱踴躍現仍督飭照常販糴源源接濟
須俟糧價稍平再爲停止若如該給事中所奏
籌款交商領辦在殷實視爲官項畏縮不前遇
有奸販轉遂其囤積居奇之計地方官辦理一
有不善則災民未受利益而

帑項先任侵虧流弊叢生諸多窒礙似難照議辦
理由江寧藩司趙盛奎議詳請

奏前來臣謹會同陞任江蘇巡撫臣程祖洛合詞
恭摺具

奏伏乞

皇上聖鑒謹

奏

道光十二年三月十二日會

奏四月初八日奉到

硃批知道了欽此

訪獲習教匪徒提辦及委員查拏摺子

安撫會稿

奏爲訪獲聽從習教匪徒究出匪黨散處地方分別委員查拏及提省究辦恭摺具

奏仰祈

聖鑒事竊查習教傳徒久干例禁而安徽鳳潁等屬地方界近豫東尤恐有外來匪徒勾引煽惑

臣

與撫

臣

屢飭該處員弁隨時訪緝茲據陞任宿

州知州周天爵遊擊楊廷璧稟報二月二十五日據龍山汛把總張修澍訪得龍山集民張義法等出錢習教情事該州營卽會同署鳳潁

同知韓景魏督率備弁兵丁馳往該處於二十
七日挈獲張義法劉光貴二名在張義法家搜
出歌詞一紙係剽竊經書而成並無違背語句
當究出張義法同其子張興銳及劉光貴均拜
從河南永城縣人魏中沅卽胡惠書傳習尙有
州民盧廣必卽盧連城徐帮俊併永城縣民戚
老卓卽戚卓章李喜一同習教該州營等復往
會挈於二十九日將盧廣必徐帮俊挈獲竝馳
赴永城縣督同該縣兵役挈獲李喜押帶回州
訊據張義法等供出張興銳於道光十一年八

月遇永城縣人魏中沅卽胡惠書言其能傳大乘教卽帶同回家向張義法告知魏中沅聲言伊係直隸鉅鹿縣孟家莊人孟老藏傳授熟讀歌詞坐功運氣將逢午年卽有水旱瘟病大劫在教之人均可得免張義法等信以爲實卽拜魏中沅爲師魏中沅寫給現獲之歌詞一紙口授彈花織布兩歌竝令盤腿靜坐名爲坐蓮花兩手捧腹名爲捧太極圖一日三次默誦名爲用吾日三省之功死後不致下降畜類竝云孟老藏與北京蘇大人卽大王爺同教卻未知其

名字蘇大人之婢女名女媧氏非在慈雲庵卽在白雲庵修煉孟老藏將其近處尼姑金玲帶赴庵中與女媧氏一同傳教凡欲習教須先給銀錢送交孟老藏轉送蘇大人處掛號少者來生得福多者得官等語張義法父子卽被所惑送錢九千文張興銳旋邀伊岳劉光貴拜魏中沅爲師給錢五千張興銳復帶魏中沅至盧廣必家魏中沅盧廣必讀書多年伊未便爲師令盧廣必往鉅鹿縣王虎寨地方尋伊師兄孫老聚帶赴孟老藏家傳習盧廣必聽從於八月間

卽赴鉅鹿縣尋獲孫老聚畱任一日盧廣必給銀一錠孫老聚帶領盧廣必往孟老藏家拜孟老藏爲師抄給歌詞盧廣必於九月間回歸與張義法等往來講究李喜係魏中沅表弟徐帮俊素與魏中沅相識俱教從魏中沅習教等情臣查在逃之魏中沅由河南永城縣來至宿州傳徒習教其所授歌詞雖尙無違悖字句而歛錢惑衆已大爲風俗之害且據現獲之張義法盧廣必等供出魏中沅之師係直隸鉅鹿縣人孟老藏與京中蘇大人同教蘇大人之婢女名

女媧氏與尼姑金玲均有傳習邪教情事不可
不嚴拏澈究臣一面委員馳赴宿州會同該州
營再行嚴密訪緝一面由安徽撫臣鄧廷楨將
現獲之張義法劉光貴盧廣必徐帮俊李喜五
犯提赴省城確審重辦並移咨直隸督臣琦善
河南撫臣楊國楨將傳徒之孟老藏魏中沅及
習教之孫老聚等一體查拏審辦至所稱京中
蘇大人卽大王爺雖未能指出名字而所稱蘇
大人之婢女名女媧氏在慈雲庵及白雲庵與
尼姑金玲一同傳教之語則已有住址名號可

查相應請

旨勅下步軍統領五城順天府將白雲庵及慈雲庵
二處託名女媧氏之婢女竝尼姑金玲飛速確
訪嚴拏究明蘇大人卽大王爺實在下落務獲
懲辦爲此恭摺具

奏竝繕錄按獲歌詞恭呈

御覽伏乞

皇上聖鑒謹

奏

道光十二年三月十二日具

奏四月初八日奉到

硃批另有旨欽此四月初三日准

軍機大臣字寄三月二十五日奉

上諭陶澍奏訪獲習教匪徒究出匪黨散處地方分別查拏提省究辦一摺所辦甚好習教傳徒久干例禁近來匪徒故態復萌實堪痛恨必應密速查拏認真辦理以期淨絕根株所有現獲之張義法劉光貴盧廣必徐幫俊李喜五犯著卽提赴省城嚴審確情從重究辦其在逃之魏中沅及習教之孫老聚卽飛咨直隸河南督撫嚴密查拏歸案究

辦至籍隸直隸鉅鹿縣孟家莊人孟老藏前因王
老頭子傳徒案內供出已查拏該犯到案交軍機
大臣會同富俊及刑部嚴審其張義法等所供白
雲庵及慈雲庵二處托名女媧氏婢女竝尼姑金
玲蘇大人卽大王爺實在下落已飭步軍統領確
訪嚴拏務獲歸孟老藏案內審辦矣將此各諭令
知之欽此同日又准

軍機大臣字寄四月初一日奉

上諭前據陶澍等奏訪獲習教匪徒究出匪黨散處
地方分別查拏究辦所有現獲之張義法劉光貴

盧廣必徐幫俊李喜五犯均經鄧廷楨提赴省城
審訊其在逃之魏中沅卽胡惠書又名胡貴舒訊
據張義法等供出係河南永城縣裴橋集人且李
喜係伊表弟魏中沅籍貫住址是否確切竝所供
蘇大人卽大王爺究竟係指何人有無名字住址
著鄧廷楨務向已獲五犯嚴訊根究實在下落據
實覆奏竝著陶澍鄧廷楨楊國楨密速緝拏魏中
沅務獲解京歸案審辦將此各諭令知之欽此

請緩挑孟濱河工程摺片

蘇撫
會稿

再常州府屬武進縣境內孟濱德勝澡港二河
係濟運要道前經臣陶澍在巡撫任內

奏准於緩漕米價銀內動支借給於道光十年冬
開工興挑因雨雪連縣河水盈滿至十一年二
月始克驅夫下宕先將工段較短之德勝澡港
兩河興挑其孟濱河工長淤甚未能同時並挑
奏准緩至十一年秋後接續興辦嗣據承挑之武
進陽湖二縣詳報德勝澡港兩河挑至七分工
次適值春雨兼旬上游水發灌注滿河下游淤

壩水無去路淹及田廬不得不將尾壩啟放時
已農忙即使天氣晴霽亦難趕辦等情臣等查
係實在情形當飭俟秋後農隙與孟濱河一併
接挑在案嗣交冬令積水未消無從施工行據
蘇州藩司梁章鉅轉據該縣等詳報覆查該河
原估雖皆覈實而自上年挑工未竣被水衝刷
之後今昔情形微有不同應將各河口底寬深
丈尺覆加確勘或尙可以節省

帑項現在春水方長潮汐日旺上年春工半塗而
廢不敢再行冒昧從事請乘此停工之時將應

行增減工段覆加勘定俟本年秋後興挑等情
由該藩司覆覈請

奏前來臣等查孟瀆德勝溧港三河未挑工段既
有今昔情形不同尙須覆勘之處自應暫緩挑
辦以重

帑項而昭覈實除飭該府縣乘此停工之際將各
河口底寬深丈尺應增應減之處覆勘造冊繪
圖通詳俟本年秋後農隙卽行挑辦不得再行
藉緩外合再附片陳明伏乞

聖鑒謹

奏

道光十二年三月十三日附

奏四月十七日奉到

硃批知道了欽此

審明糾衆拒捕殺傷兵役各犯定擬摺子蘇撫會稿
奏爲審明糾衆拒捕殺傷兵役各犯按例定擬併
將正犯恭請

王命先行正法仰祈

聖鑒事竊照武進縣訟棍莊午可潛回拒捕脫逃經
臣等會同將緝捕不力之常州府知府恒泰等
撤任勒緝

奏奉

諭旨摘去頂戴勒限一月嚴緝嗣據常州府委員陽
湖縣主簿章恩榮等於未奉

諭旨之先在安徽旌德縣地方會同宣城等縣將莊
午可及駝背和尚等拏獲又經臣等附片

奏明奉到

硃批嚴行審訊不可令其狡展欽此隨經委員將莊
午可等迎提來省其先經捕獲之史席大等五
十餘名據武進縣先後訊供將緊要各犯分起
解省一併札發蘇州府審辦尙有同時就獲之
薛大隴等十五名訊未隨同拒捕就近省釋在
案茲據蘇州府知府李國瑞督同候補知縣景
昌金咸沈炳垣等審明定擬由臬司額騰伊覆

審招解前來

臣

程祖洛隨督同藩臬兩司親提

各犯逐一研鞫緣莊午可住居武進縣係陽湖縣學文生史席大卽席晤子蔣洪租均籍隸武進與莊午可隣居僧名相卽駝背和尚又名駝駝和尚籍隸江都向在安徽宣城縣隱秀庵披剃出家莊午可所居之大儒慕村地方界連宜興金壇等縣與宜興縣監生儲光親戚交好狼狽爲奸道光五年十二月莊午可坐舡被周益大船隻誤行撞破勒賠未遂赴宜興縣捏報被盜併與儲光赴縣喧鬧挾制經該縣稟府提訊

未結六年六月有武進縣民曹咬大之養婿尹致法因曹咬大不卽與之完婚欲行誘妻私逃被責不甘自縊身死屍兄尹致令欲曹咬大多出錢文從厚殯葬地保周隴大斥其藉屍訛詐赴縣呈報屍身腐爛無憑相驗尹致令心懷不甘欲行控告比有尹致令族人尹心悅與莊午可談及此案莊午可聲言總須上控尹致令聞知卽邀文生尹復卽尹元開尹小開在家祠內與莊午可商議作詞誣控周隴大因姦毆斃呈請開檢曹咬大因被拖累卽懇昔存今故之余

季大作詞申訴經縣提訊周隴大等供指莊午
可爲主唆當將莊午可罕獲兩次詳革前學政
辛從益均批不准旋經武進等縣檢明尹致法
屍骨無傷審將尹致令擬徒咨結併將莊午可
捏報被盜之案提省訊明由前署蘇州府李景
嶧將莊午可衣頂詳革其時莊午可已因患病
交保在逃七年九月有客販米船投胡金受米
行內買米蔣洪租之姊夫周幅書欲攬至伊行
交易邀同莊午可蔣洪租及莊午可之弟莊蘭
普等前往招攬不允將船趕走胡金受之子胡

東大不依爭角糾同路庚幅等將周幅書毆傷
身死報經前武進縣周錡詣驗屍妻周蔣氏因
余季大會向伊夫索欠有嫌心疑余季大父子
主使糾毆欲行牽告莊午可亦因余季大會幫
曹咬大具詞申理致發其唆訟之罪心懷嫉妬
聳恿周蔣氏另具報呈當場投遞該縣批飭附
卷連所填傷供各單併交縣書李洪勤等帶回
莊午可蔣洪租卽主使屍父周上沅向李洪勤
索取呈單觀看不肯交還換給蓋用手摹一稟
經該縣通稟提省併飭差馮玉等邀同附近之

余當年領路將莊蘭普挈獲著交莊午可旋將
余當年誣至家內逼令書寫余季大主使引路
明火執仗打門入房將莊蘭普赤身揪下筆據
併令加用手摹卽架周蔣氏之名赴臬司衙門
具控莊午可聞挈緊急改名夏清和逃往湖廣
安徽一帶不知縣名地方鄉僻小村行醫度日
有旌德縣人王大順知情藏匿又引至隱秀菴
寓居與僧名相認識是年七月欽奉

諭旨飭挈經臣陶澍於巡撫任內先後查奏遵

旨通飭勒緝一面將周幅書被毆身死一案先行按

擬具

題其取匪傷供單報呈一節聲明緝獲莊午可等
另行究結嗣金壇縣役武畛因緝拏莊午可被
儲光捆縛在家經宜興縣等聞知往捕儲光卽
縱令家人放火拒捕畏罪投河溺斃其時莊午
可尙未回籍節經臣等嚴飭該府縣營購覓眼
線設法偵緝未獲此莊午可與已故儲光唆訟
滋事在逃未獲之原委也十一年六月莊午可
私自潛回形踪詭秘伏處無定余季大之子武
進縣文生余瑛圖報私讐卽托與蔣洪祖交好

之蔣茂高勾串蔣洪祖欲將莊午可捉挈送官
許給洋錢三百元蔣洪祖假意應允騙得洋錢
一百六十元將莊午可縱逃曹咬大亦欲購挈
洩忿莊午可恐被獲解於六月二十五日向附
近竹舍菴僧靜成借房置酒邀同史席大蔣洪
祖路大潮潘三大及未獲之尹小開周書大儲
保大蔣鎖潮鍾盤大毛虎喜戴法大等敘飲懇
其幫護史席大等應允僧靜成當時外出事後
知情不首八月二十八日尹致令糾同尹南山
尹秀沅尹魁金尹正沅尹小開等將曹咬大之

妻曹周氏架至尹致令家內毆打凌辱旋經放
回九月初八日莊午可主使史席大蔣洪祖路
大潮等先後至素有嫌隙之周鳳輝薛奎龍茶
店併余瑛家內打毀什物因路過之人觀看擁
擠致余瑛家衣飾間有遺失余瑛卽以打搶爲
詞冒開多贖報縣勘詳十一月十五日余瑛之
叔余珮珩往莊午可家附近收租莊午可又主
使史席大蔣洪祖等將余珮珩捉至家內關閉
勒贖經沈添富說勸余珮珩出洋錢二百元始
行放回曹咬大等先後赴臣等衙門具控密札

嚴挈有武進縣革役殷榮及退卯散役張順和
因與莊午可交好卽送信令逃十二月十二日
該府縣偵知莊午可實在下落會營帶兵往挈
蔣洪祖聞信卽向莊午可告知適僧名相募緣
至彼莊午可因官兵猝至恐被追獲起意糾衆
拒捕自往隣村躲避主令史席大僧名相蔣洪
祖莊蘭普及未獲之史伏觀轉糾現獲之路大
潮潘三大尹南山周新左鍾正方鍾南山周濟
海及已獲監斃之史大川周如南尹秀沅僧意
誠卽儲望大當場鎗斃之陳幅庚未獲之儲保

大蔣鎖潮鍾盤大毛虎喜戴法大尹魁金尹正
元史增大史東大薛銀觀蔣隴觀薛八隴薛鳳
玉蔣舍宗蔣舍如等幫同迎拒又糾現獲之尹
行喜卽尹喜吳細三卽蓬頭三田尹東林莊開
舟薛來大王大順鍾開招蔣小順幅蔣得喜蔣
祈庚周連佩及未獲之尹小開周書大陳得沅
莊宗尙莊裕尙儲崔大儲添生儲富沅鍾秋寬
鍾隴沅等入夥尹行喜等先不允從史席大聲
言余瑛糾人私捉竝非實在官兵如不允從將
來定要扳累各犯被脅無奈亦各允從共夥五

十三人十三日午刻該府等督率兵役船抵該處史席大鳴鑼聚眾分執鋤頭木棍石塊等械前往拒捕周濟海臨時畏懼不行鍾開招蔣小順幅蔣得喜蔣祈庚周連佩中途逃回尹行喜等十六人見係官兵亦畏懼退避未敢幫同助勢史席大僧名相首先迎拒史席大用鋤頭拒傷營兵朱順發額角又用石塊拒傷頂心偏右顙門等處僧名相用鋤頭拒傷營兵許順頂心偏右顙門等處又與蔣洪祖史大川周如南陳幅庚等拒傷兵役馮勝德等十三人何人拒傷

何人因人多亂毆不能分辨官兵將鍾正方鍾

南山挈獲史席大等順風揚灰兵役眼迷不能

前進暫行回船至東安橋地方蔣洪祖起意奪

犯復糾同陳幅庚薛八隴薛湧玉蔣舍宗蔣舍

如趕至該處拋擲石塊阻截兵船經官兵放鎗

將陳幅庚打倒始行逃散朱順發許順與陳幅

庚先後因傷殞命莊午可先未到場事後趕回

查知自知身犯重罪必有官兵搜捕卽囑各犯

家屬如官兵再來將房屋放火燒燬脫逃自與

莊蘭普僧名相先行逃逸

臣

等接據稟報隨密

飭按察使額騰伊親往督同該府縣營帶領兵役馳詣搜捕莊午可等家屬放火脫逃拏獲史席大等四十餘名

奏泰緝審莊午可在溧陽縣地方途遇素好之許富餘薛義春問知欲往宣城縣遂與同行至隱秀菴暫寓許富餘薛義春各自分投生理王大順於逃後聞知莊午可在彼前往探望莊午可知有兵役偵緝欲行他往王大順卽令莊午可先行前赴伊家藏匿已與莊蘭普在後尾隨僧名相在菴暫住許富餘薛義春旋復回菴探聽

莊午可消息旋據委員等跟踪追緝將莊午可等先後挈獲併於莊午可身邊搜出寃單一紙內稱余季大盤踞州縣交通胥吏將伊陷害余季大故後伊子余瑛糾人抄打併將房屋燒燬等語解省委審此莊午可潛回報復被挈拒捕殺傷兵役之實情也臣等查莊午可僅一犯革文生非有勢力者可比何以各犯甘心聽從拒捕況上年六月既有竹舍巷敘飲之事難保無歃血訂盟謀爲不軌別故莊午可之身罹重辟衆所共知有何寃抑而自寫寃單惟余季大在

日代人作詞亦非安分之徒或伊父子竟有設
計串害激成事端燒燬房屋之處亦未可定若
不澈底根究無以折服其心殷榮張順和若無
受賄別情焉肯代爲送信經臣程祖洛反覆詰
訊併提案証質對據犯証人等僉供莊午可狡
黠性成薄有田產好以小惠要結衆心以致鄉
民受其愚弄畏其刁惡不敢不爲出力上年六
月竹舍菴敘飲實因恐被余瑛等挾仇糾捉懇
約幫護並無別故殷榮張順和實因與莊午可
相好是以送信亦無受賄情事至莊午可本與

余季大挾有訟仇明知罪無可追將預囑家屬
圖脫燒燬之房屋指爲余瑛放火燒害冀圖傾
陷質之莊午可亦無異詞衆供如繪似無遁飾
查例載犯罪事發官司差人拘捕如有逞凶拒
捕殺死差役者爲首無論謀故毆殺俱擬斬立
決爲從毆殺下手傷重致死者擬絞立決在場
助勢未經幫毆成傷者改發極邊足四千里充
軍又官司差人捕獲罪人但經聚衆奪犯雖未
傷人首犯亦照因而傷人律從重擬絞又律載
知人犯罪事發官司差人追喚而藏匿引送者

各減罪人罪一等若漏泄其事致令罪人得以
逃避者減罪人罪一等又例載以鬪毆等事報
盜者杖一百又藏匿罪人知情之隣保杖八十
各等語此案莊午可先因唆訟滋事負罪在逃
潛回後復因余瑛等設法購挈肆行凶擾迫官
兵往捕膽敢起意糾衆抗拒致傷兵役多人併
傷斃營兵二名實屬目無法紀莊午可除唆誣
擾害罪止軍流不議外合依犯罪事發拒捕殺
死差役爲首例擬斬立決該犯本係奉

旨飭挈要犯逃竄多年復敢起意糾衆拒殺官兵情

節較重未便稍稽顯戮臣程祖洛於審明後卽

恭請

王命飭委按察使額騰伊中軍叅將吉祥保將該犯

陳此

是快人心

綁赴市曹先行處斬仍梟首傳解犯事地方示衆以昭炯戒史席大僧名相聽從糾衆持械首先拒捕將營兵朱順發許順下手拒傷身死亦屬不法史席大除擾害爲從輕罪不議外應與僧名相均依拒捕爲從毆殺下手傷重致死例擬絞立決蔣洪祖與莊午可往來送信泄漏官兵追捕之事又聽從糾衆拒捕傷人復因夥犯

被獲起意奪犯邀同陳幅庚等五人用石塊拋擲阻截兵船史大川周如南陳幅庚聽糾拒捕傷人雖所傷者非史席大等所殺之人均屬同惡相濟除史大川周如南已經監斃陳幅庚當場格殺外蔣洪祖合依聚衆奪犯雖未傷人首犯亦照因而傷人律從重擬絞例擬絞監候入於本年秋審情實辦理均先照例刺字莊蘭普路大潮潘三大尹南山周新左鍾正方鍾南山尹秀沅僧意誠等聽從拒捕僅止在場助勢並未傷人尹秀沅僧意誠業已監斃莊蘭普等七

犯合依在場助勢未經幫毆成傷例改發極邊
足四千里充軍尹行喜吳細三尹東林莊開舟
薛來大被脅同行但知余姓糾人捉挈及見官
兵往捕卽畏懼退後並未幫同助勢尙知畏法
尹行喜等五犯應請於在場助勢未經幫毆成
傷改發極邊足四千里例上酌減一等擬杖一
百徒三年鍾開招蔣小順幅蔣得喜蔣祈庚周
連佩被脅同行中途逃回較之尹行喜等情節
尤輕應照不應重律杖八十仍與尹行喜等均
再加枷號兩箇月滿日分別充徒發落王大順

於聽糾拒捕時雖因見係官兵卽行退後惟始則知情將莊午可容畱在家併引至僧名相處居住繼於拒捕後又欲邀往其家王大順合依知人犯罪事發官司差人追喚而藏匿引送者減罪人罪一等律於莊午可死罪上減一等杖一百流三千里已革縣役殷榮張順和雖訊無受賄別故惟曾充官役與犯棍往來送信釀成拒捕重案雖當該犯等送信之時莊午可罪不致死而莊午可之得以預備拒捕脫逃皆由該犯等送信所致未便因莊午可所犯死罪在送

信之後及已爲他人捕得稍從寬減殷榮張順和均照知官司追捕罪人而漏泄其事致令罪人得以逃避者減罪人罪一等律杖一百流三千里均係知法犯法殷榮又係尹致法命案原差卽因本案斥革殷榮加等改發邊遠充軍張順和應加等改發近邊充軍仍先在犯事地方各枷號兩箇月滿日發配折責安置周濟海係周幅書命案屍親莊午可等唆使周上沅取匿傷供呈單訊與該犯無涉惟與莊午可往來交好允同拒捕畏懼不行竹舍庵僧靜成於莊午

可借房邀飲之時雖不知其訂約邀護第事後
知情不首均屬不合應與周濟海各照不應重
律杖八十加枷號一箇月滿日折責發落馮得
大身充地保明知莊午可犯罪畏其克惡不敢
協差挈解許富餘薛義春訊非同黨明知莊午
可係屬罪人輒敢途遇同行復往探信應與馮
得大均比照藏匿罪人知情之鄰保例各杖八
十折責發落文生余瑛之父余季大本與莊午
可同爲訟師以致互相挾仇余瑛不知幹蠱屢
思報復迨被莊午可糾衆打毀又浮開多贓捏

報搶奪余瑛應革去文生照以門毆等事報盜
例杖一百尹復卽尹沅開與莊午可素識往來
從前莊午可唆使尹致令誣告人命在場商同
作詞亦非安分應革去文生照不應重律杖八
十均的決發落吳細三尹東林張順和據供親
老丁單係拒捕殺差從犯及革役聞捕送信均
應不准查辦僧富春蔣泳法蔣三田鍾大連鍾
玉川歐細了頭莊阿大殷正坤等八名及前獲
未經解省之薛大隴史效曾宗劉合宗素觀尹
士貴尹明高尹喜生儲士大萬太倉莊成魁鍾

望珩馮增幅沈溥高萬受林潘登受等十五名
訊止在場觀看並非同黨亦非隨同拒捕應毋庸議放火燒房訊係莊午可預囑各犯家屬圖
脫起見並未延燒傷人莊午可等逃後亦無另
有知情容留之人均毋庸議營兵朱順發許順
跟隨緝捕受傷殞命應請照例給與卹賞其餘
兵役各傷均已平復充器供棄免追逸犯史伏
觀等飭緝另結史大川周如南尹秀沅僧意誠
四犯在監病故刑案人等均無凌虐情弊應免
置議監斃職名飭取另案所有審明定擬緣由

謹合詞恭摺具

奏伏乞

皇上聖鑒勅部覈覆施行再此案先因莊午可行踪
詭秘設法購線交給委員帶領緝拏迨莊午可
拏獲後各線目均散歸農臣等恐其藉端妄指
或竟擅自誣拏報復私忿卽經嚴飭該府縣拏
銷差票曉諭居民暫行免緝俟定案後再照犯
殊批

供飭拏以免擾累乃有萬泮大等假充線役擅
將周濟海查拏致相爭毆受傷未便因周濟海
本屬應拏稍寬萬泮大等以妄拏之罪致啟刁

民挾嫌報復擾累無辜之漸現在萬汴大等傷
未痊愈應飭醫痊另行究結以靖地方合竝陳
明謹

奏

道光十二年三月十三日會

奏四月十七日奉到

硃批刑部速議具奏欽此

四月初四日刑部議

奏本日奉

旨史席大僧名相俱著卽處絞蔣洪祖依擬應絞著

監候入於本年秋審情實辦理餘依議欽此

請獎勵緝獲要犯之委員摺片

再莊午可一犯係常州府委員陽湖縣主簿章恩榮帶同線目跟踪追緝至安徽宣城縣地方知會宣城縣知縣龔裕添差先將僧名相等拏獲究出莊午可逃往處所章恩榮又帶同宣城縣差役暨叅員恒泰等家丁追至旌德縣地方知會旌德縣知縣會元炳派役協拏經章恩榮所帶線目首先指認莊午可將其拏獲除龔裕已蒙

聖恩以知州卽用外查章恩榮於委拏要犯不惜辛

苦跟踪追緝首先指認得以協力就擒尙知奮
勉又候補未入流朱守讓先經臣陶澍於去冬
派令改裝易服偵探該犯下落知會營縣往捕
又緝獲夥犯多名併派出家丁隨同委員協獲
首犯往來護送迎提奔走三月有餘始終無懈
亦屬最爲出力之員合無仰懇

皇上天恩俯准將章恩榮以應陞之缺卽行陞用朱
守讓應請遇缺卽補以昭激勸尙有其次出力
文武員弁由臣等存記獎勵理合附片陳明伏
乞

聖鑒謹

奏

道光十二年三月十三日會

奏四月十七日奉到

硃批另有旨欽此同日奉到四月初二日內閣奉

上諭陶澍等奏請將緝獲要犯莊午可之委員量予
獎勵等語江蘇陽湖縣王簿章恩榮著以應陞之
缺卽行陞用候補未入流朱守讓著准其遇缺卽
補以示鼓勵該部知道欽此

請陞宿州知州擢子

安撫會稿

奏爲遴員陞補要缺知州仰懇

聖恩俯准以裨地方事竊照宿州知州周天爵欽奉諭旨補授廬州府知府所遺宿州知州員缺係衝繁疲難四項相兼最要之缺例應在外揀選題補該州界連豫省表裏河淮爲安徽省入境首站差務繁多民情强悍兼有河防修守事宜非精明幹練之員不足以資治理安徽雖有候補知州現任太平縣知縣華時中候補知州陳允中二員均與該處人地不甚相宜隨於應陞人員

內逐加遴選查有阜陽縣知縣張應雲年三十
七歲河南進士卽用知縣簽掣山東補授昌邑
縣調補歷城縣知縣兼護濟南府同知聞訃丁
父憂回籍服滿起復赴部候選揀發安徽道光
九年到省委署定遠縣篆

題補今職於十年三月二十九日先行接署十一
年二月初五日奉文到任因拏獲豫省搶匪馬
大代旺等十五名併首先拏獲要犯李甫一名
奏奉

諭旨賞加知州銜欽此該員才具開展除暴安良緝

捕最爲得力以之陞補宿州要缺知州實堪勝任惟歷俸未滿三年且宿州係屬題缺例應先儘候補人員題補安徽省現有候補知州今以該員請陞與例稍有未符但人地實在相需例得專摺

奏請據署藩司色卜星額兼署臬司安徽道郭承恩會詳請

奏前來

臣

等往返札商意見相同合無仰懇

皇上天恩俯念員缺緊要准以阜陽縣知縣張應雲陞補宿州知州實於地方吏治均有裨益如蒙

俞允另行給咨送部引

見恭候

欽定再該員任內一切因公處分遵例毋庸計算仍
飭將罰俸銀兩卽行依限完繳咨部銷案所遺
阜陽縣知縣係繁疲難兼三要缺咨另遴員請
補謹合詞恭摺具

奏伏乞

皇上聖鑒勅部核覆遵行謹

奏

道光十二年三月二十八日會

奏四月二十五日奉到

硃批另有旨欽此同日奉到四月十二日內閣奉

上諭陶澍等奏遴員陞補要缺知州一摺着照所請
安徽宿州知州准其以張應雲陞補照例送部引
見該部知道欽此

武場事竣校閱省城營伍後卽起程赴浦摺片
再本年三月江南省補行辛卯

恩科武鄉試

臣

於十七日考竣內外場出榜後卽調

齊

臣

標中左城守左右暨附近之浦口溧陽各

營官兵併世職武舉等在教場校閱陣伍演放
連環鎗礮藤牌刀矛雜技均皆如式馬步箭多
有全行中靶者烏鎗準頭亦在七分以上臣當
將技優者記名獎賞稍次者勒習實無衰劣之
員亦無老弱之兵軍裝完整鮮明馬匹膘壯足
額除仍飭該管將備勤加操習外臣擬卽赴安

徽江西閱看營伍惟查今春江以南漕務甚遲
現屆夏初過江軍船尙只千號江廣幫船已源
源前來而松太等屬尙未全報起程實爲頻年
未有之事臣立飭副將沙序元齋

令往催併接准護撫

臣

梁章鉅咨現已接印派委

撫標中軍叅將吉祥保城守叅將易騰霄分投
提趙邁行併劄飭沿途文武漏夜嚴催唧尾前
進不任再有稽延臣卽於四月初二日趕赴清
江浦會同河臣張井漕臣蘇成額督率放塘渡
黃俾得以速補遲毋悞重運所有臣衙門日行

事件委江寧藩司趙盛奎代拆代行其一切題
咨及緊要稿案仍包封行署覈辦謹附片陳明
伏乞

聖鑒謹

奏

道光十二年四月初二日具

奏四月二十八日奉到

硃批知道了欽此

湖南猺匪滋事俟漕船過竣親赴江西相機堵
勦摺片

再臣接據南贛鎮總兵張佑溪贛南道薩興阿
稟稱接到湖南桂陽營叅將來文湖南江華縣
猺匪滋事現經兩湖總督盧坤湖北提督羅思
舉帶兵進剿該鎮道已飭飭所屬文武於交界
各處嚴密防堵等情伏思該猺匪無知跳梁現
經大兵會剿不難一鼓殲除惟查江西之南安
文英龍泉永新各營均與湖南接壤此時相去
尙遠第當剿捕之時難保不東逃西竄臣已飛

剿江西交界各營縣併咨會撫臣預爲設備巡防不任稍有竄入臣一俟漕船督催抵壩察聽
竊匪情形如尙未全靖卽當親赴江西相機堵剿此時旣未便預涉張皇亦不敢稍有疎懈謹
附片奏

聞伏乞

聖鑒謹

奏

道光十二年四月初二日附片具

奏四月二十八日在安東途次奉到

硃批另有旨欽此又先於二十六日板浦途次准

兵部遞到

軍機大臣字寄四月十七日奉

上諭陶澍奏接據南贛鎮總兵張佑溪等稟報湖南
猺匪滋事該鎮道已剗飭所屬文武於交界各處
防堵俟漕船督催抵壩如未全靖卽當親赴江西
相機堵剿等語江西南安文英龍泉永新各營均
與湖南接壤現在大兵剿捕難保不東奔西竄著
該督飛飭南贛鎮總兵張佑溪督率弁兵嚴密防
堵毋任猺匪一名竄入仍隨時探聽倘賊勢披猖

該督卽於所轄提鎮大員中飛調一員赴彼協同
堵勦此時該督毋庸前往江西仍趕赴清江浦會
同張井蘇成額督率放塘渡黃務須以速補遲毋
誤重遲此爲至要將此諭令知之欽此

馬棚灣工竣正河復歸故道情形摺子

總河會稿

奏爲揚河廳屬馬棚灣工竣啓放正河復歸故道
漕船行走暢順併僸辦善後工程各緣由仰祈
聖鑒事竊照上年馬棚灣漫口勘由西岸越堵因於
運河南北兩頭各築柴土攔壩一道將漫口包
在河湖之外先就西岸興築尅日合龍隨即補
還東正堤併改建西緯堤并力施工疊經

奏明在案

臣

張井歷次來往該工勘得新築東堤

柴土壩計長一百六十六丈初辦時探量水深
二丈三四尺惟中間六十丈處所本係金門行

溜之所水淤甚深迨外越堵閉河水斷流頓見淤淺而淺處全係嫩淤一經柴土壓重卽時陷入深淤以致掃工屢見蜚矮掃根亦逐漸外游當量埽外水淤深至三丈四五尺較前加深丈餘情形頗爲喫重因與道將廳營悉心籌議必須就此六十丈幫做邊埽方資穩實而又慮淤非水比見埽卽淤復於埽外深塘估拋碎石俾護根基以入水一丈爲度查碎石之上水深尙有二丈四五尺與河道行船毫無妨碍惟約計所用銀兩已比原估稍多現於善後各款內通

融支用毋須另請錢糧

臣

張井前於三月中旬

臨工查勘業已諸臻穩固惟西緯堤尙有游鰲
段落其時急欲趕回清江僨放重運未及駐工
督辦特派河營叅將張兆會同廳營專司其事
旋據稟稱工已堅定擇於本月初十日啓放正

河

臣

陶澍自省前赴清江是日行抵馬棚灣卽

親飭啓除兩頭攔壩刨挖深通挽河歸正溜勢
直趨卽提漕船由故道行走極爲暢順其大營
房對岸及邵家溝兩處通湖缺口併已暫行用
料堵塞俟過大汛後再爲補砌石工現在重運

後船暨往來船隻均接續由正河行走諸復舊
規惟兩堤皆係新創工程初次見水臣等嚴飭
廳營等加意巡防不得稍有懈怠至西緯堤臨
湖一面應行補砌石工早經派員僱辦統俟工
竣量明長丈另行具

奏此外善後案內如揚河揚糧兩廳加培兩岸土
工補修臨湖石工汛前俱可蒞事併於迎溜掃
灣之處估廂護埽防風以資抵禦又查馬棚灣
西岸越堤自堵合後已歷半載柴質發匱日形
卑矮現在石工尙未砌成全賴此壩抵禦全湖

風浪亦已飭令加廂高整均堪仰慰

宸厯所有馬棚灣工竣挽河復歸故道情形

臣等謹

合詞恭摺具

奏伏乞

皇上聖鑒謹

奏

道光十二年四月十七日具

奏五月初六日奉到

硃批知道了欽此